




**KOMITETI KOMBËTAR  
I DIGAVE TË MËDHA**

*Nr. 148 prod. datë 25.11.2021*



**UNIVERSITETI  
POLIS**  
**UNIVERSITETI POLIS**

*datë 25.11.2021*

## **MARRËVESHJE BASHKËPUNIMI**

**KOMITETIT KOMBËTAR TË DIGAVE TË MËDHA**  
**dhe**  
**UNIVERSITETIT POLIS**

## **Neni 1** **Palët**

**Palët në këtë Marrëveshje janë:**

**1. Universiteti POLIS (U\_Polis),** me qendër në rrugën Bylis 12, Autostrada Tirane Durrës, Kashar, Tiranë, i përfaqësuar nga prof. Dr. Besnik Aliaj, Rektor;

**2. Komiteti Kombëtar i Digave të Mëdha (KKDM),** me qendër në Tiranë, rruga *Abdi Toptani*, nr. 1, i përfaqësuar nga ing. Arjan Jovani, Kryetar.

## **Neni 2** **Qëllimi**

Kjo marrëveshje ka për qëllim rregullimin e bashkëpunimit ndërinstitucional midis *Palëve*, si dhe përcaktimin e prioritetëve themelore të këtij bashkëpunimi, mbështetur në legjislationin në fuqi, në parime dhe në interesa të përbashkëta.

Marrëveshja synon ruajtjen dhe zhvillimin e traditave më të suksesshme të bashkëpunimit të deritanishëm midis dy *Palëve*.

## **Neni 3** **Parime bazë**

Parime themelore rregulluese për bashkëpunimin e *Palëve* janë *autonomia institucionale, interesi dhe respekti i ndërsjelltë*.

## **Neni 4** **Drejtimit kryesore të bashkëpunimit**

Drejtimit kryesore të bashkëpunimit të *Palëve* janë:

1. Shkëmbimi njohurive teknike dhe ekipeve të specializuara dhe të kualifikuara në fushën përkatëse përmes një bashkëpunimi me interes reciprok.
2. Përcaktimi i fushave të studimit me interes të ndërsjelltë në disiplinat e ndërtimit, projektimit, administrimit, monitorimit dhe sigurisë së digave.
3. Informimi reciprok mbi të rejat dhe zhvillimet e fushës në çdo institucion dhe më gjërë që paraqesin interes për aktivitetin institucional të *Palëve*.
4. Shkëmbim të botimeve, rezultateve të punës studimore dhe shkencore, të dokumentacionit teknik informues dhe shkencor, standarteve teknike dhe udhëzuesve teknike të domosdoshme për projektimin, monitorimin, shfrytëzimin dhe sigurinë e digave të mëdha të vendit, *në përputhje me standardet bashkëkohore europiane e ato të miratuara nga Komisioni Ndërkombëtar për Digat e Mëdha (ICOLD)*;
5. Organizimi i veprimtarive të përbashkëta shkencore: konferenca, forume, konsultime etj., për çështje të digave e të lidhura me to; për nderimin, vlerësimin dhe evokimin e meritave të figurave të shquara të inxhinierise në fushën e projektimit dhe ndërtimit të digave si dhe bërjen të njohur të rëndësisë shkencore dhe ekonomike të veprave të mëdha ujore të sistemit unik energjitik dhe bujqësor;
6. Nxitjen, mbështetjen dhe realizimin e veprimtarive të përbashkëta me interes reciprok.
7. Vendosjen e një bashkëpunimi afatgjatë e të institucionalizuar midis Inxhinierëve të *Rinj të diplomuar në Universitetin POLIS dhe Forumit të Inxhinierëve të Rinj të Digave*, që funksionon pranë KKDM; duke përfshirë të drejtën e propozimit për anëtarësime të ndërsjellta mbi bazën e meritës dhe perspektivës;

8. Krijimin e skuadrave dhe sinergjive intelektuale për të ndikuar në mirëqeverisje për çështje me karakter strategjik, si: aktivizimi i burimeve natyrore përpjesëtimisht me mbrojtjen e ekosistemeve; ndryshimet në hidrologjinë e rajoneve ku janë ndërtuar diga të reja;

9. *Mundësimin e projekteve dhe programeve të përbashkëta me interes të ndërsjelltë.* Palët mund të bashkëpunojnë për krijimin e një inventari shterrues për digat e mëdha të Shqipërisë që shfrytëzohen për furnizim me ujë të pijshëm, për ujitje të tokave, për qëllime hidroenergjetike, për Atraksione urbane, Transport si dhe për rritje peshku;

10. Shkëmbime të stafëve dhe eksperteve të të dy Paleve me qëllim zhvillimin e trajnimeve dhe kualifikimeve të metejshme të stafit nga të dy Palet

#### **Neni 5**

##### **Detyrime e palëve**

1. U\_POLIS mirëpret pjesëmarrjen e anëtarëve të propozuar nga KKDM në komisionet e posaçme të ngritur pranë tij; si edhe fton KKDM të marrë pjesë me përfaqësues të saj në organizma vendimmarrës, si këshilli i botimeve, konkurset për çmimet e mëdha vjetore kombëtare e ndërkombëtare, në formën e ekspertizës dhe pjesëmarrjes në juri.

2. Me kërkesë të KKDM Universiteti POLIS jep kontribut, sipas mundësive të tij, edhe për një bashkëpunim të frytshëm me Komisionin Ndërkombëtar të Digave të Mëdha (ICOLD).

3. KKDM mirëpret bashkëpunimin me grupet e ekspertëve dhe *konsulenteve që janë pranë U\_POLIS në fushën e inxhinierisë, të ndërtimit, monitorimit dhe sigurisë dhe me kërkesën e tyre merr pjesë në veprimtaritë përkatëse.*

#### **Neni 6**

##### **Shkëmbimi i botimeve dhe i informacionit**

*Palët i sigurojnë njëra-tjetrës shkëmbimin e ndërsjellë dhe të pakushtëzuar të informacionit shkencor që ruhet në arkivat e tyre; të periodikëve që botojnë, të studimeve dhe monografive. KKDM i dhuron pa shpërblim koleksione të botimeve të saj bibliotekës së U\_POLIS.*

*Palët inkurajojnë krijimin e bibliotekave dhe arkivave të numëruar.*

#### **Neni 7**

##### **Protokollet e bashkëpunimit**

Me vullnetin e *Palëve* kësaj Marrëveshjeje i bashkëlidhen protokolle bashkëpunimi me afate realizimi që përcaktohen me diskutim mes tyre. Protokolle mund të nënshkruhen dhe për një veprimtari të vetme.

#### **Neni 8**

##### **Njoftimet dhe komunikimi ndërmjet palëve**

Palët angazhohen të mbajnë linja të hapura komunikimi në të gjitha nivelet dhe të shkëmbejnë çdo informacion të nevojshëm për punën e tyre.

çdo njoftim dhe komunikim mes Palëve për këtë Marrëveshje duhet të jetë në formë të shkruar.

Komunikimet për efekt të kësaj marrëveshjeje do të kryhen drejtpërdrejt me Departamentin e Arkitekturës dhe Inxhinierisë si dhe me Sekretariatit Kombëtar pranë KKDM.

### **Neni 9**

#### **Zgjidhja e mosmarrëveshjeve**

Kjo Marrëveshje është çështje dypalëshe. Për paqartësitë dhe ankesat e mundshme Palët nuk kërkojnë apelim në ndonjë instancë tjetër. Mosmarrëveshjet midis Palëve zgjidhen me bisedime.

Në rast të mosarritjes së dakordësisë për një periudhë dyvjeçare për çështje të diskutueshme, kjo Marrëveshje e humbet fuqinë.

### **Neni 10**

#### **Hyrja në fuqi**

Kjo Marrëveshje hyn në fuqi nga data e nënshkrimit.

Marrëveshja ka një afat 2 vjeçare duke nisur nga data e nënshkrimit.

Kohëzgjatja mund të ndryshohet ose të rinovohet me marrëveshje me shkrim ndërmjet dy Palëve.

Marrëveshja nënshkruhet në dy kopje, të dyja në gjuhën shqipe, një për secilën Palë, me vlerë të barabartë.

**Për:**


**Komitetin Kombëtar  
të Digave të Mëdha**

**Kryetar  
Ing. Arjan JOVANI**



**Universitetin POLIS**

**Rektor  
Prof. Dr. Besnik ALIAJ,**



**Tirane, 25.11.2021**